


清廉

儉約

忠義

公正

後  
自  
警  
編  
樂





目錄

清  
廉

儉  
約

忠  
義

公  
正





後自警編卷之三

清廡

世宗十五年崔潤德征李滿任時崔致雲為從事還陞叅議俄遷左承旨時有野人奉朝命來侵之謀國議無如之何公曰莫如奏聞上曰甚可方議遣使未定上曰無踰於卿即以致雲為工曹叅議翌日發遣急行既朝京蒙帝允可受勅而還論功賜田五百結奴婢三十口公固辭奴婢至七上箋令大臣議諸人皆謂三十口奴婢不足賞崔之勞宜強與之獨許稠曰此人非矯情辭賞乃其中心不願宜從其辭以成後日之名遂如許議還收奴婢公到家欣然謂夫人曰今



日得請矣夫人曰辭上之賜無福哉

瑣錄

金斯文命中登世宗朝文科官至通政居官廉潔嘗為豐德郡守其適還也家撤衙內鋪席而來他日設諸堂中公見而始知之怒責之即束之將還之適隣友見而止之曰還送無乃太露子君既不欲留之寧遺我公笑而與之

松窗雜記

趙中樞吾倅陝川暑月鱸魚山積雖腐爛不許家小得嘗人皆眼其廉或曰與其腐爛棄之於地寧使家小得嘗况不以此傷廉乎趙家至貧其為禮曹正郎避方債珪玉不結同僚有以白衫三紉問之者不受後於公座誇之人或有譏其詐者然平居關節不到後退老村莊室如懸磬無絲毫干請於人



真廉謹焉慎君子也

筆苑雜記

李貞靖公邊性峭直為吏曹叅議每銓注多駁長官所為因與之不愜一日外官有贈鮮魚美肉者不受聞長官已受其日謁長官饋以美肉貞靖舉箸曰此所謂鶚之肉乎長官深仰之上同

李相國克培賢德清望重於一時其弟克墩亦在宰列頗以貪婪取譏一日克墩謂曰某日弟之初度也家人將設小酌望須臾枉公許諾及是日公自政府直向弟家入外門見廡下有熟麻新索延掛於短牆之上公却立而問曰此索出於何處而從誰得之乎克墩不能隱直告曰司僕寺官負有相知

者使用於洗滌而送來矣公怒曰司僕寺之  
馬何為掛於汝之庭乎遂棄軒不顧而去其為家法之嚴可  
畏而祖宗廟宰相如此生民安得不富庶倉庫安得不豐  
盈乎

松窗雜記

先曾祖提學公事母色養事君守正待朋友盡誠嘗以忠義衛  
八直夕食具之素識禁內餐人具殮以進公不受族兄南景  
佑代食且以誇公三曰大兄休矣渴不飲盜泉之水其守正  
類如此

秋江拾話

許忠貞公琮久操權柄而門無私謁清約如寒素之家卒之日  
家無餘財僅辦喪具親戚故舊來見者无服公之清德以為



不及公之舊茅茨歟隘無旋馬之地或言太隘曰在公則  
安而妻子可憐可治茅以遺後也公曰吾非不知素性疎懶  
固未能也一日棟斫夫人橫木於棟以繩縛之戒子毋勿言  
以試公二經數月終不知也夫人以語公因謂曰吾夫妻今  
食厚祿不至貧乏亦已足矣然他日子孫何以自振子公笑  
曰吾身且敢恤况為子孫經營子其不屑意於家事類如此  
行狀

并領相元亨以勲臣為宰相幾二十年而第宅不易於舊無衣  
帛之妾無食粟之馬常以節儉戒其子孫己丑正月初八日  
父召子安性於燈下謂之曰今日乃汝生日也可稱觴壽因

口誦一絕句曰今夜燈前酒一巡汝年三十六青春吾家室  
物惟清白好把相傳無限人公之詩公之心也

碑銘

李平靖約東嘗為濟州牧便及歸也只持一鞭既而曰此亦島  
物掛之官樓歲久鞭落邑人盡其跡於掛處以寓慕焉渡海  
時每到洋中忽傾回幾危公凝然曰吾行無一私宣幕中人  
欺况致令神明諭我耶初本州將士輩以公曾遷儒將為貴  
一甲待公披甲之日而恐公知之則必却潛付陪行福裨俾  
於越海後詮告矣至是皆以為江神亦不欲晚公永祿有此  
異事遂告以宗公命授之乃被定舟行至今名其所曰後甲  
祠史錄清白

與地勝覽



姜草堂景叙性本廉直又寡言笑不妄交遊不事家人產業衣垢

屋漏晏如也唯講論不倦老而益篤嘗有一駟卒遺公兒子

以鷄卵數顆夫人却之曰豈可以兒故累良人清德乎非獨

夫人之賢出於茅夷先生冰蘖之操刑于一家如此

東儒師友歸

李玄山啓其少時鍾愛於母夫人夫人日給金銀室器公受而

藏之篋必記某年某月某日受其物夫人卒盡籍室物歸諸

兄中分之

秋江吟話

嘉靖壬辰中廟教政院曰廷臣有清節素著至老不愛為衆

信服者啓之以叅贊趙元紀對命趙階崇政元紀居官廉潔

官賜丘直及堂封之餘必先周婦妹以及門黨之孤寡自奉

甚薄晏如也其陞嘉善資憲亦皆以清白褒之也同時宋判  
府欽以清素恬退興元紀齊名累階一品

東閣雜記

容齋李公荇不事生產初寓沔川也伯兄節度公聞窘之與之  
穀二百斛公曰我若飢不待兄之見許而取食終不取一斛  
行狀

鄭校理鵬善山人也以清節自牧門絕苞苴之物時柳子光以  
敵愾佐理功封為武靈君姦貪自恣氣焰傾朝公以表親之  
故雖不廢間宴之禮婢子往必以熟索牢結其臂着署而送  
返則解之欲其覺痛急往來不使遲留於彼家矣公之入直  
舉家絕食公之夫人求貸於子光家子光欣然謂曰親戚之



義在於相恤而校理過於剛愎吾豈愬然乎即納米於帝盛  
簪於缸令立史載之驛子而送之公出直見其玉粒之飯問  
其所得之處夫人直告之公推案笑而起曰人直之朝買泥  
滓作粥饋我二知其乏窘而不為措置是我之失矣非家人  
之過也遂發書於耐久准其所用并與本米而還之其固窮  
不愛如此

松窩雜記

洪文僖公彥弼嘗有疾夫人買田一區伺病間乃告公愬甚答  
老婢曰吾家祿足以養十口而猶事營置爾等謂我不復起

耶  
碑銘

趙判書士秀登文科一等初受內資直長時和歲豐各司之負

用庫藏之物任意多少不復顧忌公之直宿之夜二三友生  
步月而至求嘗香醞酒味公與之坐談良久蒼頭自本家載  
崇酒肥肉而來酌酢歡洽而罷公之平生廉潔不苟之節凜  
然於發軔之初吁可尚也

松窩雜記

洪顧菴舜福天資耿介志節清苦妻祖金孟祿嘗為邑宰公偶  
過焉金曰君元來窮乏何無一物之求耶公曰官家之物公  
不當與我不當受金曰言則是矣些少贖行何妨於義乎公  
曰無已則蜂蜜五合狗皮半令足矣金即笑而副之及其既  
家還之曰皮以鞍具慮有破絕之患蜜以長途慮有病渴救  
治之患今幸免此二患而留之於義不可故還送雖一事之



微亦可見其操矣

東儒師友錄

楊蓬萊士彥始茅四十年典名邑者八不贏一錢不全一馬不

為妻子毫髮訐常曰吾四知金後不可忝吾祖

墓碑

退溪先生平居不務矜持若無甚異於人而其於出處進退辭

受取與之節不敢分毫蹉過人有所遺非其義終不取其僞

居漢城也隣家有栗樹數枚過墻子熟落于庭先生恐兒童

取食拾而投之墻外其介絜不可尚也

東儒師友錄

退溪先生嚴於辭受之際苟非其義一介不以取予雖非不義

之物辭其多而受其小嘗有猷山梁二首留一而還一其他

類是若州縣官以交際之禮求饋亦不為苟辭

上同

李判書希儉以尊號使如京師雖書籍亦不賸買暨歸行橐  
蕭然括所餘盡與其下隨身者衣衾而已

碑銘

金南窓玄成屢典州府洗手奉職庶拜著世性疎雅不聞吏事  
不事鞭扑淡然鈴齋終日吟哦好事者為之語曰南窓愛民  
如子闔境怨咨秋毫無犯官庫寂蕩一時傳笑採守甚正廢  
后廷請一不進叅以此閑廢累年杜門謝客以書史自娛余  
嘗受業其捐館也經紀初喪數間草屋只書冊一箱朝衣數  
件而已其清修苦節無愧古人但不滿德惜哉

竹白用話

柳成龍為北人所駿以韓仇胄史猶遠比之啓辭至曰當懸  
之藁街且曰田園遍一國柳相語人曰世人雖憎嫉李涵猶



不敢以貪鄙加之我不如李涵可知也

松江日記

朴思菴淳出八相府十五年唯謹守世業田未增一畝州郡問

遺非親旧不敢受所識問訊不過起居而已

名臣錄

栗谷先生在林泉日中不食子芽問其故荅曰糧絕欲日中一

食俄崔豈以載寧倅送米豆先生不受子芽問曰糧絕却未

有道乎先生荅曰國法贓罪甚嚴與受者同律我朝守令非國

穀無他物大抵守令之贈遺皆不可受也崔立之必時友也

若以自家私物周急則豈有不受之理乎

遺事

栗谷先生曰凡辭受取予之際必精思義與不義二則取之不

義則不取不可毫髮放過若朋友則有通財之義所遺皆當

受但我非之而遺以未布則不可受也其他相識者喪只受其有名之饋而無名則不可受也所謂有名者賻喪贐行助婚禮周飢乏之類是也若是大段惡人心所鄙惡者則其饋雖有名受之心必不安心不安則不可抑而受之也孟子曰無為其所不為無欲其所不欲此是行義之法也

學要訣

牛溪先生居家痛抑浮華家無長物至於糶官貸私僅濟困絕而辭受之節不敢毫髮放過州縣饋餉瑣細土物之外雖丰未之微亦不敢受布衣草冠以終其身妻孥不免飢寒克勤小物未嘗放過

東儒師友錄

牛溪先生答宋大立書曰辭受之節當論在已合義處不當言



拂人情而難處也尊者有賜賤者不敢辭禮也然今日使此  
設不得成主來訪有禮物將之近於古者贄幣之義則受之  
可也然亦有非時無名之饋則時物則可以受之米麵布帛  
則國有明禁安敢受之乎至如往來稱會成風與者既不出  
誠本州送物又甚不樂則非禮非誠似無拜受之義也渾居  
鄉村亦有稱會饋遺初以本州殘弊一切辭之至如戚主自  
賁如歲時或助祭有名之饋則不敢辭焉至乙亥年國家發  
按贓行目得聞律令之詳未一斗以上與者受者皆杖罪則  
允于州縣米布皆不敢受矣

本集

遑云協飭躬貞白雅好清素累典雄藩

故立壁妻子未免稱

質嘗曰自先世二補清儉此乃傳家之室食貧幸小安何敢

經營忝家風予唯以書籍琴棋自娛

碑銘

元忠杜公豪在端川侍妾買銀指環公驚曰此產銀之地吾在此寧使家有此物耶遂杖其銀納之以奪其環而去之其清

白如此

名臣錄

權晦谷春蘭自大同歸不以西州一絲自近並却道路費其去

義城中道親閱行李見有紫草一囊責謂家人顧此雖微亦

係官中物宣容瀾吾素立反之

東儒師友錄

鄭方伯豈素親公戊午按節閩東過公宿見公飯粟吾嘗有列

邑供紙三價數倍於市君若以數束紙送我當推移填傳狀



送價未使公得稻飯喫也公曰此所防納者耶鄭曰貢物乃有防納耳此營門紙價也士大夫家皆請受恐君無嫌也公正色曰輕納紙而重受米非防納而何故人久別相見可喜奈何以此事相勸鄭大慚語人曰士大夫之不防納者鮮矣斯人並其近似者而不肯其賢於人遠矣

蛛卷言行錄

李二相直產壬辰為猷納湖南守宰有餉夏扇者公具陳自劾同列或以過公曰此何時也舉朝為之悚然敬憚拜掌令赴遼東請餉時盛寒露宿譯者進羊裘公却之曰君父越在草莽臣子何心取暖癸丑之後旣郊居人或悶其貧而致饋輒却之光海營建宮闕士大夫家令家僮應役取直獨不肯曰彼

不能諫止忍助成其後乎不令應役被服如寒士一馬病斃  
出輒借諸隣人有餉以良馬卽還之

名臣錄

清陰先生平生清儉自持公服之外不以文綺近体雖細衣稍  
華則不服盟濯陶瓦不用世俗銅鍮之器尤嚴辭受之節一  
介不苟取親故州縣之饋有名則受之然或種多則受其一  
而還其餘或所饋雖小而其人可惡則不受在安東時柳琳  
送紙束使子茅作書却之

言行錄

張谿谷維家貧甌石屢罄而不問有無衣不華靡食不無味謹  
於辭受雖微物義然後受有一濟州判官以連婚之義牽送  
駿駒而謝不受同勲武宰嘗為南帥遣以一駿笠而辭焉雖



列邑餽歲之禮其人無一日之雅則不受䟽封之後所賜賦  
獲土田絕意尋討若未始受賜然國婚之家例多從俗張大  
之而公獨掃除侈習務在儉約環堵蕭然人不知其為國婚  
之家也


謚狀

疎菴主判尹宗祀其先世臧獲土田頗饒有所嬖不取孤貧極  
屑人所不堪而處之泰然嫁遣二妹粟粒不資於人有略干  
市廛奴婢並除其役使專供祭物奴等亦為之盡力

疎菴集

禹兵使尚中方主湖西鎮其遊於營中者語人曰滿朝名宰不  
有請托之事者只四家清陰金相公浦渚趙相公延陽李判  
書時白趙判書綱也清白自操之人亦寡矣乎哉

趙克善三  
官記





儉約

柳文貞公觀公廡方正雖位極人臣茅屋一間布衣芒鞋淡如也  
公退之暇教誨不倦拒衣者至集有來內謁領之而已不問  
姓名公之茅在興仁門外時開史局于金輪寺寺在城內公  
領脩史嘗以軟帽杖履而行不煩乘馬或携童冠嘯咏往還  
人服其雅量嘗霖雨經月屋漏如麻公手傘庇雨顧夫人曰  
無傘之家何以能堪夫人曰無傘者必有備公笑之筆苑雜記  
夏亭柳政登觀以清儉自守數間茅屋處之怡如位極人臣而  
行莊似匹夫人有來謁者則冬月赤足曳草鞋而出見之有  
時持鉏巡萊圃不以爲勞每時享則召諸生飲福以監豆一

小盤相傳以為佐酒仍以瓦盆濁醪先飲一甌以次傳與床上一再過太宗知公清貧如此命繕工監夜半設把子於公茅不令公知之

慵齋叢話

柳夏亭仕至輔相三十年四方無田庄公所居衡門藩籬花木數叢而已及為議政人或以等牆作門勸之者公曰今乃為相迺改前日之門可乎布衣蓬茅不為荒涼圭組軒冕不為榮耀蓋與宋之司馬溫公元之許文正公異世而同符者歟尹文度公性儉素常衣弊衣一日在政院醉睡同坐者毀污公衣及醒戲曰君豈貧者也公曰天性也亦不以介意太宗聞之笑曰質厚真人也

行狀



潘城君朴公雖出入中外位極人臣然素儉約敦睦俸祿皆分  
濟親黨故家甚貧一日太宗來訪立門前稍久公始迎拜  
太宗恠問其故對曰臣適炊粟為食既而入口穀噉而不下  
以此不免必遲死罪死罪太宗嗟嘆仍賜青門外鼓岩田  
若干畝至今子孫守云

記聞

孟文貞公思誠為世宗朝政丞清絜簡古不事生產飲食常  
以祿米一日家以新米飯進之公問曰何處得新米米夫人  
荅曰祿米甚陳久不可食故借於隣家耳公惡曰既受祿當  
食其祿何事於借

奇遵戊寅記聞

孟文貞公家甚狹必無嘗判書以稟事進去適值驟雨處二漏

下衣冠盡濕判書還家而歎曰相公之家如是我何以外行

廊為我遂撤方構之廊

名臣錄

俞公好仁在玉堂成廟恩顧特優學士無比每月夜從宦者數

人遊慶會樓池中小舟並受五六人獨命好仁從之有若唐

玄宗之待謫仙也好仁以校理豹直上從小宦侍一人夜

臥直宿之房好仁驚起上命只着紗帽而坐從容論談

上見其細衾露破絮黃染色退上曰爾歷官清要儉素如

此可尚也即命宦者持御被來因以覆之而去

青坡劇談

彞尊錄云先公凡衣服鞍具不貴鮮麗只要儉素堅緻而已為

縣時輿絡及羈繫俱絕典吏得皮紐以續之先公然鞭之代



以麻繩

李樛軒石亨清慎節儉不治生產位極人臣而斗屋蕭然有屢  
空之歎搆茅亭數椽于園中名之曰戒溢平居飭躬訓子芽  
皆以是末臻大拜位望固已顯隆矣而人猶以不盡用為

恨

名臣錄

許忠貞公琮早貴隆赫清貧如寒畯所居湫陋人所難堪而處  
之恭然嘗曰富貴在天何用力求妄希非分適足為害

名臣錄

西平君文靖公韓繼禧柳巷先生文敬公修之孫政丞文簡公  
尚敬之子西原府院君繼義之茅上黨府院君韓明澮之再  
廷兄也累代勲德富貴赫然而公獨冰蘗自守祿俸所入亦

必散眼宗族之孤寡者以此家道涼薄朝夕菜糲老而愈礪  
西原悶之時二周急亦皆辭而不受一日設門會於上黨茅  
一座咸曰西平年記已高自奉猶儉眼御之疎觀瞻極未安  
盍思所以處之上黨曰此吾之責也遽呼兒取紙筆未成一  
卷列書諸親在堂之名上叙公清簡之德次述一門不能奉承之  
失末言微物不足補情之意遂以興仁門外鼓岩下稻田種  
十石者獻之公牢讓不受上黨以下且起且拜齊聲共賀勢  
不中止然後始受之然其踴躍不安之色可掬也老少咸起  
舞扶醉夜還可謂一門忠厚之盛矣先天大天外祖母卽西平  
之孫吾宗家鼓岩田亦分於此者云



孫文貞公舜孝位高而孫心猶約每對客設酌只用黑豆苦菜  
松芽為較專思繁華之事嘗戒子茅曰吾家起於草萊無傳  
家旧物惟以清白傳之足矣嘗卧以手指脅曰此間無些子  
汚物名臣錄

朴近拙漢狂清介絕俗一毫未嘗以非禮取於人居不營室衣  
取蔽體食取充腹家無甌石之儲而處之裕如嘗訪友人家  
立於門外其家篋告其主曰門外有客問其儀兒其篋曰寡  
長布衣狀如琴囊蓋識其儉素也其主曰必朴某也倒屣趨  
出迎入其家人驚愕云

客齋李公苻食不重肉衣綬蔽体仕宦三十年不問有無室廬

如寒素家子女滿堂僅得衣食而已或勸置田庄公曰食祿  
之家務占田園無祿者何以聊生吾祿足以代耕置田庄為  
子孫計不亦勞予子茅眼歸奢不許升堂且曰汝輩苟志於  
善雖不得科第吾亦無所恨所棄馬人不堪騎公亦不以為  
意至斃而後代以他馬及為宰相內兄遺以貂一貂十年大  
抵自奉極菲薄人不堪處而處之有裕嘗曰祿不及親友而  
侈自奉吾不忍為也

行狀

慕齋

金公  
安國

與成石相世昌同

賜暇湖堂二公并直成公素豪

貴家衾被俱用紵絲極其華侈慕齋素窮約性且不喜奢節  
被木枕蕭然若寒士成公愧甚終夜不安寢抵明還家語夫



人曰國卿若笑我之侈則吾豈如是抱愧乎聖命易以操素之物乃敢同宿矣

金思齋正國寄黃某書曰君之營作不輟之言僕在京師聞之果若人言不如傳之靜處以順天耳人生世間稀年為上壽假令吾與君得享上壽所餘不過十稔有零何故勞心以取畎二之詬乎僕二十年處約之中營屋數椽產業數畝冬絮夏葛各數件卧外有餘地身邊有餘衣鉞底有餘食挾此三餘高卧一世雖廣厦千間玉粒萬鍾綺紵百襲視同腐鼠畎二處此一身而有裕聞君之衣食茅宅百倍於吾豈可更不知止以畜無用之物乎所不可闕者唯書一架琴一張友一四

復一雙迎睡一枕納涼一窓負暄一盃煎茶一爐扶老一筇  
尋春一驢耳此二五雖煩不可廢一送了老境此外何求密

雜記

成進士聘壽有至誠高識屏居父墓下布衣麕食處之晏如未  
嘗一至京師亦不以世族名曾自著故村人視之如田夫也  
其姪成夢井觀察京畿巡至本州下令歷拜州人無有識其  
所在物色然後得之及至其門草屋蕭然不蔽風日土床容  
膝坐客無席夢井歎息而去還家送方席十箇聘壽揮而去  
之曰此物不合貧賤之家也

牛溪集

許判書碗性儉素不喜華麗食不重肉四方無田園百口所祿



俸而地無長物焉

名臣錄

洪默齋詹弼家法甚口領議政還為承旨時猶必日課所讀子  
婿雖通顯每候門屏悉去呵辟而後敢進初度日子還欲以  
歌管佐酒公曰吾忝居崇高恒懷戒慎敢當拜妓之娛乎其  
儉約如此

芝華類說

趙文節公元紀有清白節儉雖位居宰輔弊廬短堵僅庇風雨  
庖厨所儲不過鹽菜人視之不堪而公樂之不厭人有饋遺  
小不合義必辭若將挽已其素儉然也

丙辰丁巳錄

高杜谷應陟前後居官淡如寒僧弊袍穿屨對人不恥側室黃  
氏生長富貴眼歸頗麗公盡撤錦衣莊於大板中蓋而釘之

安左相瑗忠清謹儉一代之名流也不受私與不通關節布衣  
惡食以守平生一日有客候其座公進飯唯黃藿以艮醬  
為湯公不嘗而和飯客曰羹若不好奈何而不嘗先和乎公  
曰羹若不好容得已乎

清江中說

金大憲繼輝平生不以治家為意祖先遺業之外一足之一  
畝之庄無所增唯於晚節即屋後立室二間常處人笑其朴  
陋至於案牘什具隨坐苟設去則不復收拾或目而不同有  
亡也

碑銘

李相國汝慶凡人有喪竭力救之俸布周急無餘畜不肯起等



宅置田園凡粉華名勢避之若將况焉人不敢干以私門庭  
蕭然有同寒素操履無玷痕議論無偏被故以安老沆之毒  
苞復昌之亮操通源之猜能使之憂畏困橫而終不敢有以  
加害神道碑

退溪先生每至陶山常居玩樂齋左右晝書俯讀仰思夜以繼  
日家貧蔬糲僅充而攻苦食淡他人視之疑其不堪而先生  
裕如也蓋先生於道所見蓋親所造蓋深有以自樂而忘外  
慕故雖處窮約之中而能恬然自得不知老之將至也又對  
客飲啖未嘗有匙筋之拜其尊飲食之節無暑月只乾脯而  
已每食不過數三甕雖壯者有所不堪而先生若啜膏粱談

食必稱家有無故雖貴客亦不盛饌卑幼亦不忽必預教  
家人以供之未嘗對客言之

求儒師友錄

尚成安公震居家未嘗言器用陋惡家人欲試之置陋席於客  
坐候之數日終不言家人知終不言代以新者公又不言其  
為儉素不事致飭如此

名臣錄

尚成安公先世居林川家業富饒公曾祖英孚嘗貸與貧戶契  
券甚多悉取以焚之曰吾後世必有昌貴者予植三槐于庭  
以擬王晉公故事至成安果登台輔自公貴不營產業先世  
庫廩漸皆傾毀有奴建請修葺公笑曰汝雖欲修完將以何  
物索之竟至頽圯無餘

清江小記



趙判書彦秀立朝四十年官至六卿未嘗構一間屋買一頃田  
先人旧宅也亦未嘗修葺曰此足以終吾身自奉儉素身沒  
之後家無遺財清白一節不讓於古人矣

名臣錄

聽松先生平居日用若無有異於人而其收束檢制處則確然  
以淡泊自守常情所不堪而方且自以為樂也飲食無嗜好  
豆飯菜羹未嘗不飽晚年盤有重肉命去其一衣服只取周  
身常服狗皮裘縮紬之屬不以掛体嘗自贊曰其容枯槁其  
兒亦古行年四十猶一布衣初心不終始無違宅邊樹桑柘  
成林而不事養蚕或問其故荅曰使余扶杖徜徉于其下綠  
葉成陰清風徐來如是足矣前溪魚蟹亦不喜漁也行狀

李判書希倫晚居東門外仍號東臯即夏亭柳相公觀古宅也  
夏亭以清白聞屋漏不理雨則持傘談者美之公曰其旧而  
略葺之客嗤其陋公曰此兩傘則侈矣自少至老手不釋卷  
衣取蔽体食取充腹屢空不以介意身沒之後無衣服以殯  
無粟帛以裹至假貸於親戚矣

神道碑銘

洪拙翁聖民資稟絕人清操出倫簡素淡泊雍容恬靜不暇脩  
為自得乎天於世浮華侈靡群利貨財漠然無一動於中者  
棟宇歌傾瓶甕懸磬而居之泰然

名臣錄

李芝峯睥睨家世清儉取與無所苟不問產業有止於群色紛  
華泊然無所好不薰香不燃蠟不設宴會不聽音樂食無蕪

味坐無完席一裘十五年不改床榻蕭然麝塵滿室而處之  
甚適人有服義者對公輒赧然自退及卒親賓會殮皆曰不  
可以文綺溷我公但用絹素從雅志也

行狀

權判書克智出為北青判官莅任一年一毫不累於身寢褥破  
盡露絮遽命以布衾補綻勿令官人知黃判書琳公外從兄  
也赴京時家人治筭刻桶及還見之曰擇仲若見必詈余急  
令劉其桶其見重如此燕行旧着絨帽垢膩不堪戴從者請  
易之終不許行中惟喫糖以療胃餘十數顆未到家分與親  
旧律身之嚴出於天植絕無脩飭之色

碑銘

升思菴居相位持身清約雖在台司門庭冷落淡如無位者

東儒



李判樞鐸位居台司只資俸祿不別治產僅繼朝夕而已郡邑或遺食物則必分諸隣里親旧厨無餘積臨死謂其子海壽

曰我死棺槨必用君賜勿易也

栗谷外集

金長浦行平生以清苦自礪而不令人知及家大清江李公撤

別舍瓦餽之輸積于庭公不以蓋屋人勸之公曰古人有不

蔽風雨者此屋已草覆矣何必瓦為

東儒師友錄

鄭栢谷崑壽自奉甚菲薄蔬羹數釘之外肉不重味裘葛蔽体

而已亦無齋副破壁虛窓茵薦不具門之僮隸廐無款段人

曰何以能堪其所不堪而公則處之裕如也

行狀

栗谷以副提學退休坡山崔海城說歷拜栗谷對食饌甚薄海  
城不堪下著曰何以忍此寒苦也栗谷曰日晚而食不知其  
苦也

東儒師友錄

李五峯好閔平生不喜服美宣祖謂公曰筵臣皆衣文綺卿  
獨不然予甚嘉之仍舉卿衣示之乃綿布襖也左右皆慚謝  
名臣錄

李完平元翼請暇展墓矜川上聞公田舍狹陋命起茅其傍  
公辭不許又賜素褥素衾教曰卿儉素可敬以此賜之以成

卿之德  
謚狀

李完平辭受取與一斷於理了無矜吝色然廉節太高不但苞

草不敢近雖近邑歲時餽儀名數稍優則門僮已却之自奉  
寒儉甚於窮布素而處之晏如嘗開府成川以國家新去訖  
而成川舊館宇宏侈自擇朴陋下室居之而積焉草於降仙  
樓上雖軍官子弟不許一登其寓駟江構草堂不蔽風雨隣  
有訟汝諄故庄宅主守者許公偕居公嫌其侈不從凡若此  
類莫非有意義存焉而或猶其過慎宣知公者哉

謹狀

疎菴還朝祿薄不自資假貸繼之新娶尹氏在汴川亦不能近  
致短衾破席獨寢空宇仍感寒疾友人權儼已借以長衾得  
少汗便解果其衾置架上是夜卒親友就視短衾覆体而足

俱露

言行錄



申文貞公都尉親迎時舊茅陋陋該官請依例繕脩公曰廬雖  
弊足以行禮終不易一椽寢廡傾塌家人請治公曰國事未  
定何以家為恬於貧約絕無嗜欲未嘗以家事經心山蔬佐  
脫粟亦不為苦不喜與人造請公退杜門蕭然一寒士也

碑銘

李文忠公廷龜立朝四十年田園不增不治垣屋世子臨吊

飯語寮屬曰李傳位三公居茅甚陋其儉約可尚也

碑銘

趙文孝公翼衣取蔽体食不重味立朝五十餘年位至三公而

無宅於京無田於野人有餽遺輿俸直所入皆分之親黨散  
盡乃已非其義也一介不以取於人家貧屢空或至絕食晏  
如也每當飢歲必減損常食或進餐報曰人皆飢餓我何心

義食

碑銘

李公希建居官極其清儉雖隆冬只着袂衣單袴足不襪而穿靴行無寢具只以二十年羊裘束於鞍後夜則覆腹而卧膝以下皆出人以好衣給之則受而不著以賞士卒之有功者

名臣錄

洪監司命考家世有寒素節至貴無易敗屋弊席夷然不以爲意屢典大藩一物不自近雖居顯要門外之軌如掃

碑銘

後自警編卷之四

忠義

吉治隱再仕高麗辛禡朝為門下注書及恭讓王立桑官敏善  
州奉養孀親鄉黨稱其孝初太宗在潛邸再同學于成均  
館及為世子與書造官論遺逸之士太宗曰再強直人也  
我嘗同學不見久矣正字田可植再同貫人也具言再孝行  
太宗下令徵之再承傳至京太宗啓于恭靖授奉常博  
士再不詣闕謝恩乃上書太宗曰再於昔日得與邸下讀  
詩泮宮今日之召臣不忘舊也然再於辛朝登科筮仕及王  
氏復位即敏于鄉若將終身今者記舊徵召再欲上謁即還



從仕則非再志也。太宗曰：子之所言，乃綱常不易之道也。義難奪志，然召之者，吾也；官之者，上也。告辭於上，可也。再遂上書，略曰：臣本寒微，於辛氏之朝，至門下注書。臣聞女無二夫，臣無二主，乞放畝田，里以遂臣不事二姓之志。孝養老母，以終餘年。恭靖嘉其節義，優禮以遣，命本州復其家。世宗即位，太宗為上王，教曰：吉，再不事二君，真義士也。聞其有子，宜召用之，以旌其忠。遂驛召其子師舜，除宗廟副丞。再卒，命賻米豆，且給葬。軍後贈左諫議大夫，權臣曰：我太宗寬仁大度，褒獎節義之義，宜與周武王之釋夷齊、漢光武之遣子陵異世而同符。斯皆所以崇其義而遂其志，以激百

世之高風以存萬世之大防也

東閣雜記

前掌令徐甄坐金震陽之黨退去衿川有詩曰千載神道隔渺  
茫忠良濟之佐明王統三為一功安在却恨前朝業不長臺  
諫請罪之太宗作色曰甄為高麗之臣作詩而思之是夷  
齊之流也上同

判承樞朴公淳蓋我

太宗朝

太祖大王

御北闕之咸興

前後問安使皆不得還後當遣使太宗問誰可者承樞公  
性忠直清白常慷慨自許事君當盡臣節即對曰臣請自往  
公太宗所眷重者未即許公復曰臣為君死乃其職爾衣  
君食君而臨難苟免臣所恥也始公於太宗為布衣來欲

以誠意感動天意回驛于京師也行至咸興遙望行在  
所公故以子母馬繫其子于樹而騎母以行則相與踟躕回  
顧移晷不得進太祖臨眺而恠之於是公上謁上欣然  
敘舊賜以酒食曰爾何遠來見我耶公對曰竊不勝犬馬情  
欲一瞻天顏而死故臣來上曰爾繫子馬于樹何也對  
曰妨於行路故繫之則母子不忍相離雖微物亦有至情也  
公欲以此微感上意上意戚然有不擇之色公因潸泣鳴  
咽上亦為之泣而留公不遣一日上與公局戲適有鼠  
以子墮自屋角至死不相捨公推局伏地而泣上復戚然  
曰爾其休矣吾且思之即諭以回驛之意公承命辭行上



曰爾其亟去行在諸臣果爭前請殺之上不許度其行已  
渡龍興江然後始許之而殺使者鉞曰若已渡江勿追也公  
偶得暴疾尚在江北遂斷其腰使者復命上大驚目問曰  
淳死何言使者曰淳跪向行朝大呼曰臣死矣但願母改  
前旨也上潸然交流後數日謂諸臣曰朴淳予少時良友  
也予終不食疇昔之言南還之意蓋決始公將行太宗問  
公曰卿欲有所言者乎對曰猶不稱職是懼無復可言者  
太宗曰卿勿以妻子為念即賜茅宅及他物至是太宗  
聞而大慟曰知其必死而請行其忠勇無比焉又命畫工  
以畫其半身以著其宗焉

景泰乙亥魯山出慶會樓下召光廟讓位授大寶光廟得

征辭不獲是日朴彭年臨慶會池欲自殞三問止之曰上為

上王我輩不死猶可為也遂相謀復魯山俄出為忠清監司

狀啓不書臣子受祿不食驗之果然及事敗詰之曰汝既稱

臣亦不食祿驗之果然與子憲同日死仁廟朝經筵官韓

啓曰世祖在朴彭年等心雖嘉之而危疑之際不得不加

罪故嘗下教曰當代之亂臣後世之忠臣恐其泯滅於後

世故為此微言以曉後世子孫也

東閣雜記

李愔牧隱之曾孫詩文清節為世所重英廟幸溫陽愔與三

同等便服隨駕備顧問人皆蒙之預三問之謀為人疲弱而

杖下顏色不變見者壯之塏車載有詩曰禹鼎重時生亦大  
鴻毛輕處死猶榮明發不寐出門去顯陵松柏夢中青上同

光廟受禪之時成三問以禮房承旨奉御寶不覺失拜痛哭

光廟方伏地固辭時舉頭望之與朴彭年李塏河緯地抑誠  
源武人俞應孚及魯山舅權自慎等謀復魯山金礦亦預其  
謀彭年謂礦曰事成汝妻父鄭昌孫可為領相三問等舉事  
之屢違不諧礦乃泄諸昌孫昌孫即同礦詣闕密啓曰礦與  
三問等云三罪當萬死光廟出御便殿三問以承旨亦入  
侍光廟令武士捧下以礦所告詰之三問笑而對曰皆是  
也上王春秋方留而遜位欲其復位乃人臣所當為更何



問予進賜平日動引周公周公亦有此事予顧謂金碩曰汝之所告猶回互不直我等之意直欲如是耳燒鉄片置臍下油火方煎三問色不變待冷曰更使灼熟來又斷脰徐曰進賜之刑慘矣時申叔舟在坐三問數之曰昔與汝同直集賢殿英廟抱元孫步庭中曰寡人千秋萬歲後爾等須念此兒言猶在耳汝忘之耶叔舟無以為容光廟使叔舟避之臨刑語監刑官曰若等佐賢主致太平三問故見故主於地下耳

上同

河緯地善山人 英廟戊午科擢壯元 顯廟上昇辭職還鄉 魯山以右司諫徵之官至禮曹叅判預三問之謀 光廟愛其

才密諭之曰汝若諱初謀則可免緯地笑而不答臨鞠緯地  
對曰人臣既加以反逆之名其罪應死更何所問 光廟然  
弛獨不施烙刑 英廟培養人才於是為盛推緯地為首 上同

天順皇帝歿北虜時河緯地常慷慨曰天子蒙荃天下所共憤  
我輩雖海外陪臣豈可恬然不預其憂乎每處外廊不入寢  
室斯人之志行如是其忠義徇國可知 世祖朝官至禮曹  
叅判甚見寵幸別置一室而藏其祿 名臣錄

光廟既誅宗瑞等拜領議政府事判吏兵曹兼內外兵馬都統  
使且作教書褒錄其勲臣集賢殿官皆出去猶稱誠源在館  
不及避而製之還家痛哭人莫知其由成三問等謀復魯山

誠源預為及事敗誠源以司芸方仕進本館聞變索馬遽還  
不脫冠帶詣家庙家人恠久不還往見之則仰卧拔佩刀擬  
頸以木瓦等之救之不及賊而更來取屍磔之

東岡雜記

俞應孚武人也驍勇絕人能超越牆屋事母孝官至二品與三  
問等謀復魯山約某日華使請宴時舉事適於其日世子  
不扈駕又以地窄令雲鈞諸將不入三問等止其謀應孚猶  
欲入擊曰事貴神速世子雖不扈駕而羽翼皆在此若盡除  
之則何能為乎三問等以非萬全之計固止之尋事敗先  
庙問之曰汝欲何為應孚對曰欲以三尺鈞廢足下復故主  
耳豎儒不可與謀事若從吾言豈有今日欲問情外之事可問



彼書生聞者竦然吏籍其家戶內只有破薦人眠其清嘗於衆  
中奮臂曰誅韓某權某此拳足矣曾為咸吉道節度使有詩  
曰良鷲三百生樓前可見其氣象

東岡雜記

秋江

南公

性慷慨好師事清寒子放迹物外與世俗不相聞年

十八上書

成廟請復

昭陵每憤時事或登母岳痛哭而還

危言激論雖觸諱莫忌也大猷伯勗戒止之終不聽二公講  
明性理操履以小學為律其所造宗與秋江異然交契相厚  
其所謂芝蘭同臭也

丙辰丁巳錄

權公達手為校理燕山主議尹庶人立廟事大作威鉗下公以  
為非先生意館中不敢異主怒皆杖流久而怒彌甚王堂臺

諫中首其論者將極法之皆旁推先死剖發朽壤以苟免公  
獨自引伏不為負亡僚自活計并金負先發者鉄鎖已具獄  
吏哀之曰與其兩死寧飯一而生之為愈金者候承吏百更  
言王堂先於金公張目熟視曰某子某子爾果效我而為之  
耶即吞筆書供曰不肖臣達手敢為之不可苟隱以偷生供  
畢顏色不變與之酒立盡吸訖刑如平常人莫不嘆傷也

名

寓菴洪彦忠文匡之弟二子早登第歷數清顯逮一家罹禍公  
與其兄弟俱謫島嶼山遥虎日久人心已難將有反正之機  
家人勸之曰一時知名之人如李希副亦亡命公曷不從

此而去耶公曰人倫有五而父子一也君臣二也我今已喪  
父所重者只有君臣之義今若亡命是既無父又無君君命  
爲可逃也未幾拿命至公從容就遂行至幽谷驛自撰挽詞  
行至烏嶺已反正公聞之潸泣不已新王即位遂擢廢朝被  
斥美如張順孫李長坤輩皆彈冠而起公亦在其列終不赴  
召以詩酒自娛不事早卒廢朝守節之人惟寓菴而已野史

東峰

金公時習

有沙彌唌音清楚能出商拜浪咏長吟遺響裊空淒

有餘感每值皓月朗然中宵獨坐吟沙彌咏雅騷經一過輒  
泣下霑襟咎嗜酒飲醉則曰不見我英廟流涕甚悲龍泉

記



奇貞武公處自魯山朝休官杜門謝絕人事手抄四書三經左  
傳綱目光廟在潛邸時三訪公於私第公托以膏肓光廟  
一日持針擬刺以試之公瞪視不目迺竟不能起公而亦免  
於禍

碑銘

李文康公石亨最興成三問升彭年諸人相切光廟受禪適  
丁內憂服闋即除全羅監司丙子六月二十五日成三問獄  
事起石亨以外任之故不為連累二十七日巡到益山問諸  
人盡死遂題一詩懸于壁上書曰丙子六月二十七日作詩  
曰虞時二女竹秦日大夫松縱有哀榮異寧為冷熱容其時  
金諫請鞠問詩意先廟覽之曰詩人命意不知所在何必

乃甬事遂止

沈元世海東樂府

寄齋錄曰反正之後諸臣之在謫所者聞之或喜甚失笑或動色相賀或至有起而抃舞者鄭文翼公亦在牙山配所聞之歔歔垂涕者久之且不食肉曰不知舊主生死未敢也可謂處之不失其正也

平城府院君朴元宗生長膏粱少落拓不羈出入屠肆拳肘御中歷清顯遂折節讀書通大義不隨俗浮沈月山大君夫人乃其婦也被汚燕山染疾而死心常快憤時成帝顛落職家居燕山亂政日甚宗社危急素多大略欲廓清昏亂推戴聖朝無與規畫愜三無願意朴公可屬大事而本非同好難

於發言有里人辛允文者往來兩家甚押昌山遂令試微意  
平賊乃奮袂而起曰是我日夜蓄積也昌山乃暮抵平賊家  
各痛哭叙平生忠義宜許國而死男兒死生有命豈有見

宗社危在朝夕而不恤乎於是兩公懽甚洽

陰崖雜記

德陽日記云己卯禍囚禁府之夜皆以為必死其夜長天無雲

明月滿庭列坐空庭相與酌酒以相永訣元忠

金

有詩曰重

泉此夜長飲客空留明月照人間大柔

金

又吟曰埋骨白雲

長已矣空餘流水向人間又吟曰明月長天夜冲和曰嚴冬

惜別時皆泛客自得但相與曰次野

李

則必免次野哭獨李

直痛哭曰欲見吾君云二相與勉之曰當延容託義何至哭



汪孝直曰從容就義吾豈不知但欲見吾君吾君豈至如是  
終夜哭及翌日聞處死之後裕如也

金河西獐厚清風異骨夔出流俗少時受知仁廟恩遇異常  
自乙巳以後絕意人事有同枯木死灰每值七月諱辰輒前  
期醵酒入山彌哭無節

時菴漫述

河西每見前代治亂興亡之事莫不由奸兇弄權忠良受害扼  
腕痛切不啻身親歷之門第有學楚辭宋史者至岳飛傳便  
痛飲下筆曰楚騷前歲喟憑心宋史今朝淚滿襟異代興亡  
那繫我自然相感漫悲吟乃嚴講其滿腔忠義有不能自掩  
者如此名臣錄

李正獻公潤慶乙卯夏倭奴入邊相次陷沒將薄矣岩觀察使  
黜公為守成長蓋欲藉公威名以壓令甬也公急調精銳今  
據之既部署彌令李公為都巡使住牙錦城檄公曰防禦  
使既入城假將必還守卒晚則軍中拜言令公朝出吾等夕  
散防禦愕貽失措公私與書曰將卒皆保我為國我動且不  
測正所謂秋毫皆帝力常恐不得死所之日也吾不可去已  
而賊拘獲俘虜直抵城下斬斫擲首踊躍吹唇為登陴狀國  
威氣奪人思奔潰公自巡視厲以忠義曰我固世受國恩我  
作此賊主必與此賊同存亡若等亦太平民蓋亦念我 國  
恩一乃心力殺賊以取勲賞士卒激勸無反意猶偃旗息鼓

我觸賊然公之麾下有請出小兵以嘗賊者公知其可用乃  
犒遣之多所馘獻無不立賞見被創者必為之垂泣人益感  
奮由是他衛倚以為重踵而不挫遂殲強寇卒全孤城一方  
解嚴京師晏然公之力也

碑銘

羅輔德級嘗辭疾去官丙申陳遊擊媾賊至奎營伴匪夜逃賊  
大怒因遊擊將再犯京師大振朝廷擇伴臣六易乃飯公二  
聞命過家不入直詣闕拜命公有老母無兄弟群議不忍遣  
公曰出身事主危難敢以親辭乎即日赴賊陣白沙李相以接  
伴使駐境謂公曰聞賊已散遊擊可觀勢進退公曰我承命  
入賊營死生天也何可坐此觀望公散遣泛行家僮曰吾死



職耳汝輩俱死無益賊問公至張兵六十里白刃森列資公  
入因門公奮罵曰我是使价不當入是門賊觀公動止安閑  
略無怖色知不屈開正門以入即放陣遊擊過公盡禮事遂

定  
名臣錄

金鶴峰誠一奉招諭征討之命人心渙散時事已去有同狂瀾  
既倒隄防無計雖守方面閫帥之責者亦皆縮首而却步公  
以絰幄宿儒軍旅之事非所習聞而道內無乾淨之地手下  
無尺寸之兵惟將血誠鼓發士氣片一赤心推置人心腹言  
必潸泣而道之文必和淚而寫之不但懷忠慕義者懽疑之  
不暇至於頑暴強戾者莫不欣然而來附迎將潰卒亦皆奮迅

興起咸願為國效死

行狀

尹良輔箕年三十一隨父謫湖南倭寇猝至列郡望風瓦解監  
司欲走避公往見責讓任儲胥者寇至先遁人得以誅擊鈞  
擬之監司大怖頃嚮謝公後謂人吾不畏賊畏尹某怒目壬  
辰之亂世子駐成川朝士李弘業者陷賊反為賊謀持慢  
書至宰相無識欲善視公引大義迂折之辭氣凜然畏懦者  
至稱耳之

東儒錄

上議渡遼李公山甫與李白沙數三人請從李提督駐軍遼陽  
不肯前公承命馳詣軍門請亟濟師辭氣息切淚隨言發  
提督欲具酒食待之公曰君父在草莽義不忍當盛禮下庭痛哭

提督感動即趣渡江

名臣錄

壬辰四月日本國関伯平秀吉舉大兵衆號六十萬連陷釜山  
東萊中外大振上曰予聞權慄有可用之才今在何處拜  
兩南巨鎮以試其才即日以公爲光州牧使公謝恩輒行時  
余以都承旨直政院公旣與之別余曰何行之遽公曰國家  
事急此正臣子效死之秋何敢徘徊畧刻效俗兕革悲啼狀  
耶時昇平日久猝聞兵至朝臣視兩南爲死地公辭語慷慨  
昂然旣道政院同列無不噴噴補其宏量

山西雜記

車駕入平壤爲久住訃賊勢彌滿江南大駕將避出是日望  
見越邊有一倭以木末懸小紙押江沙中令大炮匠金生鹿



往取之書至開見則書面云上朝鮮國禮曹判書李公閣下  
蓋抵李德馨書而平調信玄蘇所載也書中所言蓋欲見德  
馨議講和也德馨親往敵陣乃以扁舟會平玄兩酋于江中  
相勞問如平日玄蘇曰日本欲借道朝貢中原而朝鮮不許  
故事乃至此今亦借一條路使日本達中原則無事矣德馨  
責以負約且令退兵後議和調信等語極不遜遂各罷飲群  
臣諸將見其會者無不褒色德馨辭氣壯烈少無摧折後玄  
蘇丞相稱於人曰李判書於倉卒之際辟氣無異平日信不可  
及也

再造藩邦志策功時上曰李某當倭寇充斥之日以扁舟往見賊酋非忘身殉國者不能也今使並錄公開倉

力辭甚

壬辰巡邊使李鑑敗報至宮中衛士盡散更漏不鳴車駕先  
出夜已四鼓都承旨李恒福促步入闕內則宮中虛無人天  
又大兩夜黑如漆中殿獨與侍女十數人步出仁和門恒  
福執燭前導中殿顧問是誰何女對以都承旨李恒福  
中殿噴二者良久勉以忠義恒福益奮勵忘身

再造藩邦志

車駕將幸義州上問諸臣曰予幸義州若不幸寧群臣渡遼  
內附誰能從予欲得自募人負問大臣大臣不對且以入遼  
為難以次問群臣群臣亦莫有應者次至李恒福恒福對曰  
臣年少無病且無父母請隨駕以行上曰卿若有難事不  
可強行再加商量恒福對曰此非臣今日所必於口頭以塞

聖上一時之問也筮仕之初已有願忠之志及出國門誓以  
效死故妻子兄妹已與永訣此志素定矣上噴：嗟嘆者  
良久恒福蓋於爰初已與其兄相別唯以國事為慮退在別  
室蒙被而卧其妻吳欲就別恒福即閉戶不應吳立在戶外  
請暫入室面訣而死則恒福應曰吾非無情者但國事至此  
不暇顧私今若潯沔團素無益於事梗亂人意及曉趨朝吳  
突前執帶曰願必留有所指教恒福拂衣再三至拔佩刀欲  
斷其帶吳不得已少却遂不顧而去仍不飯家日夜贊謀決  
機焉上至定州賊報日急而天兵尚未出上下惶：莫  
知為計上召群臣問策李恒福李德馨曰事急矣臣等請



八天朝上書求救二人爭往至夜分上猶沉吟不決沈忠譙  
曰二臣并往無益况恒福方在本兵尤不可遠難無已則德  
馨可遣上曰吾意正如此矣於是乃遣德馨翌曉將發恒  
福送之南門德馨曰恨無快馬兼程疾馳恒福即解所乘馬  
與之曰兵若不出君當索我於重泉無相見也德馨曰兵若不出吾  
當柔骨於盧龍再不渡鴨綠水而已二人洒泣而別見者動  
容德馨晝夜馳二百餘里及至遼東六上書乞出援兵回到  
巡撫帳下立庭痛哭辭氣慷慨終日不退郝述為之改容期

以七月濟師

上同

李知事廷諫壬辰以吏曹叅議避兵至延安府使金某柔城遁

賊將長政以三千兵猝至公曾為府使遺愛在民吏民聞公  
至皆願死守公遂部署行伍分城而守列殿具浴樓櫓僅完  
而賊圍之公驅家屬納於公廨塞其門積芻其傍峙薪于城  
門而坐其上令軍中曰賊扣登城即大之我與家屬誓不污  
賊刃人皆感激賊議附而登公命沸湯于鼎以灌之賊負薪  
而進公命速火而焚之賊戴空棺而上公命以石擊之無不  
應手而墮蓋賊盡其力以戴之小有所觸棺輒自動不能為  
力故也大戰三日賊技窮而遁事聞論其功進公於討使

記聞

漢語

癸巳賊盤據嶺海將西窺湖南金公千鎰謂湖南國之根本而

晉州寇為湖南蔽遂入晉州死守城中矢石俱盡徒以竹木  
刺擊賊乘勝闖入城中遂陷公在真石樓上惟長子象乾幕  
下梁山璫等親兵僅十人在公側不去泣且呼曰事去矣將  
奈何公恬然曰起事之日吾已斷吾死矣但爾曹可憐耳遂  
起北向拜與子象乾相抱赴樓下潭水將佐從死者不可勝  
記賊力盡不敢復軼湖南 皇帝指揮使吳宗道素敬服公  
遣使採文而酌之其辭甚悲撫督軍門邢玠亦稱公忠魂毅  
魄凜然如在宣庙震悼 命贈公左贊成賜帛祭湖南人士  
為立祠于羅州賜額曰旌烈

名臣錄

○高敬命 彌審峰光州人也壬辰家居聞倭寇至列邑望風慷慨



發憤傳檄遠近聚兵討錦山之賊戰敗與子同厚死為其長  
子從學誓復父讐存義起兵拒賊于晉州城陷而死父子三  
人同死國事古今無二嗚呼烈哉

芝峯類說

丁酉秋賊大舉入寇郭公再祐以防禦使守昌寧大旺山城公  
等再祉之奴犯門禁斬之孽族尹生之等望不入城公使尹  
生及其季甲督還之不肯并斬之積薪於館舍以示死守一  
軍睨粟賊既薄城公從容談笑但令堅守曰渠自知兵豈肯  
輕犯經一晝夜果不戰渡江而西屠黃石陷南原列鎮皆潰  
體察使完平李公命公解兵公飛報曰齊賊七十即墨獨全  
唐兵百萬安市能當列城雖罷獨不可為守予拒之不從

臣名

金 惲甲莅原州縷期年賊入忠州相拒不遠乃豎旌旗整行  
伍但無勇將可以統之聞平州人鄭姓者曉勇絕人乃招之  
前曰賊劫吾弱欲戰則使殺人民欲守則城池不完但此地  
鈴魚山城可據而守也汝素有膽略可領此卒先據此城  
之吾鄭跪而對曰敢不唯命但以是兵抗彼鋒勢固不敵迨  
恃其險不可為矣宜少出以避得其便而為之殆未晚也惲  
甲大怒叱之曰奴不足與謀仍仰天嘆曰吾死決矣為守土  
吏不可去啓刻偷生是可羞也吾當竭力以拒得挫其鋒斯  
亦幸矣如其不幸唯有死國而已有不愈於死私乎跨馬而

先尊為士卒倡人皆感激懼越日夜躬自巡飭城中恃以無  
懼賊既入本州愕甲不為動誓眾益勵賊知有備乃為書掛  
長竿誘以利賁而威愕甲手斬其使賊縱敢死者穴城而升  
麾大軍以越城遂陷愕甲猶着我衣據胡床不下彎弓將射  
賊二先射中愕甲其箭在背猶不下賊迫愕甲下床令拜終  
不屈膝罵不絕口遂與夫人及一子同死賊義其不屈莫不

嗟嘆

再進藩邦志

趙憲金浦人也出自寒微力孱登科躬耕養母每以國事為憂  
汲汲如狂前後上疏指陳時政者累十萬言時倭使玄蘇等  
來和憲抗章請斬玄蘇于義智頭懸之藁街人目以狂妄至壬



辰議悔不用其謀且善天文一日聞東南有大聲如雷泣謂  
人曰此名天鼓倭衆今渡海矣其言果驗聞訖即聚兵傳檄  
討賊遠近響應竟赴賊死凡同死者七百人蓋性於忠義者  
也

重峰類記

重峰先生爰初未起兵與同鄉十餘人親往覘賊路逢倭兵百餘  
衆寡不敵皆走先生獨奮然欲進戰鄉人不從強曳先生登  
山先生呼曰姑舍我先射賊及起兵常以鈎擊柱有若發狂  
之人或人問其故荅曰曾用此鈎豈便此賊渡海鮮氣慷慨  
言淚俱發或人曰豈恨其不用公言斬倭使報天朝乎先生  
曰噫當斬者豈惟此賊或人悟其意不更問

遺事

重峰先生移兵湖南攻錦山賊：勢甚盛，禍裨數人，請且退師。  
更苗後，舉先生即命從者解先生所乘馬鞍投地，目罵曰：汝  
以我有欲退之意乎？我當止死，爾輩進退任自為之。其人感  
奮，遂決死進戰。賊既闖入帳，下士挽先生號泣要與先生俱  
去。先生笑而坐，凝然不動，神色自若。賊不敢易犯，最後乃及  
先生。  
遺事

劉克良，延安人。後移去松京，其母改宰相洪遵之婢也。公少孤，李  
武登科，歷官榮顯，諸公爭以將才薦。母謂公曰：我卒某家婢  
也，少時誤碎玉盃，恐被罪而逃，遇汝父，生汝。公聞之大驚，即  
上京尋主家，陳其情，欲上疏削科，還為奴。洪相曰：爾非我奴。

也何為出此言公曰毋既言之何敢冒法冒主欺君子洪相  
義之為放後文券給之公謝而去每以主稱之寧邑閭帥瞋  
遺不絕每見謁之時自里門步進所獻之物手自持納焉為  
衛將分軍洪相入直禁中有所言以小紙書數字招之公即  
欲起去兵曹總府官曰分軍國之大事子何輕去公曰旧主  
見招不敢遲延一坐驚嘆官至副元帥壬辰之亂從申硃防  
守臨津硃見賊兵甚小欲過江擊之公曰賊之羸誘我也慎  
勿輕渡硃不聽遂乘舟而濟公曰大將已渡我何敢後隨渡  
于彼岸俄而賊兵大至硃狼狽而還騎渡未半而溺公踞船  
床不動麾兵力戰而死之



宋象賢字德求礪山人宣祐朝倭酋平秀吉遣玄蘇平義智

來獻土物覘我虛實仍要假道朝貢於天朝其視蓋耽二矣  
朝廷深以為憂會東萊有窠宰相以公有將才交口薦之除  
公為府使公莅任翌年壬辰倭奴悉國來犯萊以海墘孤壘  
首受其兵公知衆寡強弱不相當猶誓心戮力殊死戰城將  
陷賊將平調蓋岳威公厚德瞬公使避於城傍隙隙公應急  
取朝衣穿諸盔上痛哭以向拜二訖致書於老父曰孤城月  
暈列鎮高枕君臣義重父子恩輕遂遇害俄而玄蘇義智至  
聞公死嘆惜之出其徒之害公者戮之尋公尸瘞於東門外  
淨地立標以識之府僕馬全者伏公義烈遇公諱日及節辰

必設祭以哭終始不替倭人義之內申朝廷因其子陳疏諭  
兵使金應瑞入賊中與觀而斂葬于西原遺民之號哭追送  
於百里外者幾七十餘人賊將義智逢公觀下馬引避而送  
之後賊語被擄者曰爾國忠臣唯東萊府使一人而已

續玉露

壬辰倭自嶺踰湖屯錦山以撼全州二尹新死惻然無朝夕計  
時李公廷鸞罷官居家糾聚義旅將西赴國難按使驛聞公朝  
留提州事委保障公慨然曰若失此州國無可為者我王  
臣當與此州同存亡遂先驅家累入城晝夜在軍中數月不  
解衣捨臂肉皆爛日厲氣巡城過家門未嘗一語及君  
父播越必西望痛哭昔啓其足示子等曰足底黑子汝等須

知之蓋欲驗之魚阻之哀也衆知公意已決咸效死莫有二  
志及賊薄城公輒諭家眷曰即不幸宜各自決毋污賊手不  
則無以見我於地下遂誓于衆曰無擾無枉費一矢敢違者  
斬城中蒿然賊知有備不敢攻而去

名臣錄

壬辰之變趙公宗道以丹城縣監傳檄倡義列郡為之響應是  
歲公與招諭使金鶴峰同舟講議於真石樓下有人傳云大  
駕渡遼公慨然痛哭曰大駕渡遼則吾屬其將安適與其臣  
僕於叅蓀曷若繫身死於清流於是携鶴峯手臨江欲自墮  
鶴峰止之曰大駕渡遼之說道聽而塗說無的報可據不可  
信也且人臣死義自有其地他日自決未為晚也吾恐今日



之死無益於國而為匹夫溝壑之諒也公然之

潤松集

宣祖大王二十一年春日本倭賊入寇我南邊掠我民載船徧  
徻沿海無格之者而李宣傳大源時任鹿島萬戶獨率手下  
兵整舡追之大敗賊沈二十餘艘餘賊遁去我軍無亡失者  
公敏上首虜於水使沈巖三惟怯初無捍禦事欲矜公功呼  
至公前附耳語云三公不從巖慙且怒去無何賊又大至巖  
促公出戰公曰日已暮兵且小請合衆蓄銳以俟天明巖不  
許資之以威公將發請巖後繼又不許公以疲卒百餘人與賊  
交鋒損竹島洋中知必死致格鬪三日所殺傷甚多而衆寡  
不敵巖坐視終不救公知事不濟割指出血解衣而書一絕

付家僮曰以此畋其詩曰日暮韓門渡海來兵孤勢乏此  
生哀君親恩義俱無報恨入愁雲結不開及軍敗為賊所得  
逼降不屈結諸船櫓斫之至死罵不絕聲公之初猷捷也  
觀察以狀聞上遶巖水使以公代之朝命未至公已沒矣  
邊民憤巖而哀公作吐隣之歌二之

郭公越守黃石山城也都休察使李公元翼以公書生不習兵  
令金海府使白士霖助之戰公守西南士霖守東北明年賊  
大至公躬督戰晝夜不解士霖欲棄城走陰使人誘之曰賊  
盛而逼宣不悌哉公厲拜曰吾已分死無悌矣士霖知不可  
說棄夜縋下其妻子即與手下兵遁軍吏走報曰白兵已逃

請速出公曰此奴訛言受感當斬使人視之賊東壯空矣於  
是賊中波折不可禁遏子堦及吏民等皆踊泣以請曰事已  
至此願早為計公笑曰此賊乃吾死所何計之更為指軍  
曰不可以藉寇命悉焚之明日賊登城公毅然據胡床神色  
不變竟遇害蓋公自寇深以後以死難自許一家女婦等亦  
皆佩以小刀曰即有不幸以此自決足矣前伏節數十日與  
友人別有詩曰廟堂平昔講經綸此日男兒有兇人滄海血  
流腥滿地臨分相易在成仁至今讀之凜然有生氣其素志堅  
確於此亦可槩矣

碑銘

丁巳冬歲后之論已定李文忠公恒福慷慨不食血大雷撼屋



公曰天其戒告之矣俄而樞府即來收議公方病扶起奮筆書  
曰誰為 殿下畫此計者非克舜不陳古之明訓虞舜不幸  
頑父嚚母常欲殺舜浚井塗廩危淫極矣號泣怨慕不見其  
有不是處誠以父雖不慈子不可以不孝故春秋子無詈母  
之義况為父也妻者是為白也母誠孝之重夫焉有間今當  
以孝治國家一邦之內將有漸化之望此言美為至於黜繼  
之下我為今之道休舜之德克諧以孝烝乂日聞怒為茲愚  
臣之望也議至見者泣下

名臣錄

白沙李文忠公之在芦村余夢見明漢佩酒往訪則公欣然迎  
謂曰吾欲賞道峰泉石未遇會心人君適至矣仍以道巾芒

鞋騎驢而去。歷編諸勝，同宿枕流堂。三更月上，余方困卧。公  
蹴余曰：「月色如許，何睡耶？」劈出川上，忽愀然不語。仰天長吁，  
使明漢誦出師表，又誦赤壁賦，飄然有羽化登仙之想。連丁  
巳冬，兗論蓋張請廢之。蹴四面而起，陳好善、金瑩等請先誅  
公及余。二匹馬曉出，咸訪公於東岡。曰：「大色甚急，吾等當先  
見牧矣。」今之事異，訟者死，不訟者不至於死。吾受祿在職，理  
難得免。公去朝，病不收議例也。公掀髯笑曰：「死生命也。且上  
必不能忍殺吾等。或南或北，不相遠，則幸矣。余知公意決口  
號短律，贈公有斜陽數行淚。立馬程陵村之勾。公曰：「以此為  
訣足矣。」遂握手而別。居數日而公之議上，越一月而公謫矣。

光海廢 母后時驟菴聞李爾瞻欲勿問朝野庶官雖被罪竄  
出之人廣收其訟以為箱制網打之計公草數百言其一節  
曰自上以此大事問于群下而不知其不可者方盡於姦臣  
之蒙蔽而亦未及行此事故也事成之日自上若見 慈殿  
蒼黃目亟之容掩淚出宮之狀自不覺其下堂奔扶失聲痛  
哭將誅戮猷議者之不暇宣忍為是事哉公之讜論非唯直  
截忠誠惻怛如此 言行錄

戊午天朝徵兵金將軍應河以助防將仍授宣川郡守隸副元  
帥金景瑞標下臨發與其家人永訣處置後事封職印信授



郡吏曰遇賊我必戰死不可佩往云已未隨都元帥姜弘立  
領軍渡江而西天將劉都督喬遊擊前行我國左營次之中  
營又次之右營在後喬劉兩兵大敗遂與我軍相戰右營將李  
一元先遁餘軍潰聚遂犯左營公獨當力戰敵兵或進或退  
者三喬遊擊敗還中營望見而嘆曰平地上以步軍交吾鉄  
騎乃如此稱不容口未幾大風忽起烟堇四塞敵兵乃圍入  
陣中將軍獨倚柳樹下射必同札焦絃而倒矢盡持長劒擊  
殺无多鈎折不得復擊忽有一藥泛後刺之仆地死者日已  
久皆腐爛惟將軍顏色如生右手握刀柄不辭故人猶不敢

近前云

名臣錄

辛酉遼陽之變疎菴任公蓋不食者累日矣有僧踵門求詩公  
題其軸曰山僧忘却世間事他事雖忘此可忘聞道遼陽陷  
于賊吾今不食熱中腸公昔愛鄒湖有遊賞之志是年秋有  
後適左江上以書奉邀公荅曰天上流吾樂也又得吾茅為  
主人固不待請而往顧遼陽已陷于賊矣天朝之路不通左  
衽之辱將及此正吾輩痛哭不欲生之日也又何心遠遊哉  
然天之假借兇逆必不久矣安知不即就牒滅也然後浩然  
相得於江湖之上鼓枻而為滄浪之謳信可樂也自是公憂  
憤每形於色天順土木之變河緯地感慨曰天子蒙塗天下  
所共憤我輩雖外國陪臣豈可恬然不與其憂常處外復烈

志行前後一揆

言行錄

仁祖大正二年甲子冬以西事日棘拜宜春君南公以興為平  
安道兵馬節度使兼兩面巡邊使鎮隨城行營丁卯正月賊  
兵夜渡鴨江陷義州列郡崩潰無敢嬰之者公以安州為賊  
路必守之地率隨營牌三百兼程疾馳僅入城門賊之先驅  
已渡薩水薄城下矣與虞侯升命龍牧使金俊及本州中軍  
梁晉國千總柳忠恕等為守賊計時倉卒號召城中軍民合  
主客老弱不滿數千不待與賊相角賊中人已知其必不保  
然公與諸君惟以忠義相激厲誓同一死降將升立蘭英叛  
人洞時在賊中吹唇鼓頰呌噪於城外曰強弱之勢眾所共



見與其城陷而魚肉曷若和好而全安公厲拜應之曰吾等  
受命守城一死職耳宣忍為汝輩賣國偷生自以為得計我  
城中人益知公有必死心皆為之感泣敵知城之不可以虛  
群下乃縱兵合圍肉薄登城公與將士飲血裹創終日拒戰  
及暮敵始退翌朝以城東隅低且夷易攀援簇矢擯射驚散  
其守卒萬足齊躍一擁而上公登譙樓射敵矢既盡將燃火  
藥自焚揮去從人惟軍官鄭近祿寧邊官奴執勒者愛男二  
人攀檻不去曰公既死國我當死公與之俱焚

忠愍祠碑

金公良彦世居平壤其父戊午深河之後死於牛毛嶺公壯望  
長號幾死復甦三年之後尚為素服不與人戲笑宴樂大書

復誓二字佩之丁卯寧安州屬於兵使南以興噓手抵掌曰  
此誓可復吾死有日矣敵逼城下城中恣惧公謂主將曰事  
在危急宵旰血戰共一死生豈可臨敵苟免乎堅守信地顧  
謂其徒曰惟有一死不失為忠孝鬼豈可退一步幸生也皆  
應曰諾俄而敵兵擣城矢下如雨公手挽勁弓射敵甚衆敵  
人不敢近前回視中營烈焰冲天公曰主將已死當竭巷戰  
以償此心耳矢盡持鞭梃奮迅擊殺賊兵散而復合公大呼  
直前被十餘創四顧無援遂投池水而死

名臣錄

中廟有遼藩之役徵兵於我廷訟難之李忠定公曙奮然曰  
義何足此再陳疏不報人皆曰義也又何文之能也戊午賊

臣謀廢母后幸百僚庭請公白其母曰國母請廢義不忍叅  
先親在堂將奈何母曰甬志能如此則無以我也公竟不與  
焉

名臣錄

田霽國朝名將也稟性果敢過於劉忠然清節冠世博通經史  
少時與二三同志上寺讀宋史至秦檜矯詔班師憤忿不能  
自己持弓矢推窓而出令沙彌脫其所着之巾掛之沙門之  
上彎弓引滿連貫兩矢還入而坐曰今破檜賊之腦庶可快  
活矣其忠憤嫉惡因此可見

松窩雜記

丙子錄云十八日禮判金

尚憲

入備局見降書手自盡裂衣拜

痛哭拜徹大內謂崔鳴吉曰先大夫頗有名於士友間台監



何忍為此等事耶崔鳴吉微哂曰台監裂之吾輩當拾之遂  
乃收拾補綴兵判李聖求在傍感恚而言曰台監從前作和  
使國事至此台監可往虜中矣金曰吾欲死而不得自決若  
送虜陣得其死所則是台監之賜也仍出寓舍逢人必哭泣  
涕漣如自今日始却食自期必死

鳴浦羅公所記

前在相金公

尚容

在江都圍城中脫衣以給家奴曰國事至此

我當死矣汝以此衣招魂飲遺兒子輩遂登南門樓置大藥

於坐側放火自焚死于戶曹叅判等兵退後奔往江都城

樓則已為灰燼骸骨無可尋處以遺衣招魂而來金相可謂

從容就死矣

竹窓閑語

清陰先生所撰碑文曰賊至城下知事不濟解所斬我衣付僮人登南樓無門積

隋碑其上放大自然死

敦寧都正沈說以蔭官累歷守令在江都聞胡兵圍城謂其妻

曰我世受國恩今者國亡何以生為我當自盡妻曰君若先

死我何忍見我今先死君歛吾屍然後自處即揆着絮衣自

縊死沈君歛其屍遂具朝服北向再拜而縊死可謂節義

成矣處上同行狀云沈君病臣敦寧府都正沈某上言于南漢

山賊誓不負皇上殿下端居大廟崇禎年日月臣某着署卑整冠帶

壯向痛哭四拜夫人亦執沈服新衣手自結束中機舉家

號抱持龍目不食公擗理同諭加拜不絕雖子孫至情不得

教辭終成其志太駕運都外孫升某以道疏致進答曰

首能大用也仍下教于以院曰死古所罕有深恨其平日

事能而臨難死節先於重臣若非大賢何以至此其妻宋氏

同元之節亦甚可嘉並為旌門  
子孫祿用以表其忠烈

李掌令時稷丙子之亂與趙翼尹榮謀聚義旅事未集尹公死  
公曰必欲以江都為敵者是吾死所也既至嘆曰人謀不臧  
雖有天塹安可恃也唯有一死耳及清兵渡江掄察使慶徵  
敏求留守紳爭船遁去仙魚金相登譙門自焚公謂太僕主  
簿宋時榮曰吾輩讀古人書今日到此尚可偷生乎作書屬  
兩僕畝付長子言後事甚詳且寄一詞曰宗社淪亡萬姓  
魚肉義不苟活甘心自訣殺身成仁俯仰無怍辭氣逆容若  
平日宋公先決公抱持大哭自臨為殯鑒兩坎而虛其一命  
僕人殯我於是解衣授館人以此為歛他日使吾兒得以收



樊常以弧弦寘袖中用以雉經僕人泣止之公揮去曰今日之榮也

名臣錄

尹公榮丙子乞外得南陽是年冬娶婦於湖西妻翁之夕聞邊警不待朝馳四百餘里未三日至府上入南漢公對衆大哭激以忠義人多感動者與同志士大夫謀舉兵勤王清兵猝至軍潰遂被執迫之使跪罵曰頭可斷膝不可跪誘使隨後復罵曰死不從汝速殺我亂刃交下身無完肥一奴一僮俱從死南陽人既俘敵者類能言之如一口

上同

洪監司命喬義州告急書至入慈母城聞清兵過平壤即擢副元帥申景瑗兵使柳琳會兵入援及聞南漢受圍元帥敗沒

但柳琳俱行公先發琳說公毋輕動公拔劍斫地曰君父危  
急敢發此言吾寧進死不欲退至金化軍于縣南栢田山敵  
以大兵統出山背衝陣麾下欲扶公避之公笑曰我何往今  
走亦死寧死戰公麾下六人皆戰死公據胡床不動取符印  
授小吏曰此吾死地然此物不可失汝必藏去取筆作一行  
書付者蓋與老母訣語也身中三矢自拔之引弓射之又拔  
劍擊之遂遇害公嘗曰和議之末事必不測士君子立心當  
於此驗孰如魯連蹈海澹庵抗章哉或曰殺身何可易言公  
曰男兒當死不死復何足觀蓋公之志素所自期者然

上同

李忠翼公時自方面圩項能無云人力性又忠信敦確獨於文

章甚雅雖學史記於白沙學杜詩於石洲皆以全帙痛讀猶未達也靖社時迨平論其義不過從後問於金元亮明叔曰此湯武之舉也於是始從之丙子扈駕南漢山城力戰在賊城中倚以為重及回騫未幾仁祖聞公家有芍藥異種命東山別監往取之公大痛曰今日國家至此二何等羞恥而使聖上反取此物臣之罪大矣遂對使者以斧截其根示不可用其忠愍益著後果八相為一時完人

南溪記聞

崔公震立丙子為公州營將居數月南漢被圍方伯鄭公世規平師勳王愍公年老以黃珀代之公慨然曰吾老不任將能任行耳遂揮泣從行左右為之感動至龍仁陰川監司在後



公在前鐵騎勢如風兩軍中無人色公植立不動肘不虛發  
矢盡顧謂曰爾等不必從我二則不難此一寸而死爾其識  
之事定諸孤得公尸於其處矢集如帽面如生

名臣錄

丁丑正月二十三日夜三更賊自西城李時白所守之處潛設  
雲梯踰城隙去城纔一尺許守禦使軍官先覓之恐驚衆蹶  
守堞旣睡之卒曰宣傳官巡邏者至矣睡卒皆起然後潛言  
賊踰之狀以此軍卒不為驚散倉卒未及發矢先以大石擊  
下次用碎磨鐵繼之以炮矢賊大挫自却夜黑初不知所殺  
多寡翌朝視之則賊曳屍而下水雪之上血流如渠一面山  
河盡為赤色可知其死者之多也守禦使李時白初以軍卒

皆無被甲者死生當與共之不被甲胄 上累遣內官勸被  
甲胄終不承命手射弓箭發無不中及賊矢再中臂然後臂  
瘡不敢着痛兒乃以長箭射之亦無虛發明日使人拾箭於  
戰場三人殉負而斂時白所射之箭殆盡沒羽矣賊曳屍之  
際輒拔其箭故血點附箭凍者甚多蓋時白所領者乃京畿  
哨官不教者也而居處甘苦一與共之故竟得其力

羅鵠浦  
百子錄

丁丑正月二十七日當事者持書往敵營書詳秘世莫得以聞  
鄭公蘊憤曰主辱至此臣敢愛死晨起痛哭正其衾枕而卧  
拔佩刀刺其腹侍者聞衾視之則刃沒腹矣驚呼而拔刀鮮  
血迸出氣略絕者良久朝紳相識者咸來救 上聞而斯

惻遣內醫救葉公既病不能復駕出乃使人執筆口號一劄  
以陳處變之道義理為主不雜利害當時公不死而殊氣如  
一髮而尚不忘愛君以德之心急二然猶恐吾君之舉不得  
有辭於天下後世乃上漚血之章可不謂忠乎二月公卧復  
興而南不處其家曰吾不死於南漢以荅國恩何面目自安  
妻子之奉遂入德裕山之南麓某里谷結茅舍易林思以度  
朝夕

碑錄

丁丑春朝廷用主和者計執送乍和者三人洪公翼漢首與焉  
丁丑二月二十五日始到瀋陽三月初五日汗盛其兵衛招  
公以入公方食顏色自若進食如常顧謂從行蒼頭曰汗必



戲辱我。志既定。今日我死矣。俄而列卒傳呼。催入甚急。遂繫公兩手而迫促之。公步履雍容。無少動其心。蒼頭恐其益怒。亦從傍促之。公笑曰。男兒到此當從容就死。何必聞其命有汲二者乎。及至庭前。屹然獨立。左右群胡皆起立。汗即命解其縛。謂曰。何不跪而倨傲若是。公曰。此膝豈可屈於汝乎。汗曰。汝何先背盟而抗疏。斥和使二國成讐。乎。公曰。爾國與我國共約為兄弟。等而反欲稱帝。先背之失在於汝。予在於我。予汗辭屈良久。曰。汝既首議斥和。則其志必欲殲滅我類。而大軍之來。不迎擊反為我所擒。窮蹙若此。予公曰。我之所爭者。只大義而已。成敗存亡。不須論也。若使我國臣民一如我。

志則爾國之亡無日矣。即解衣投地曰：聞汝國刊敕必齋尚  
云何不速齋？我仍索筆書示曰：大明朝鮮國繅臣洪翼漢  
介和事意歷歷可陳，而語音不相慣曉，當以文墨控白。夫  
四海之內皆可為兄弟，而天下無兩父之子矣。朝鮮本以  
禮義相尚，諫臣惟以耳截為風。故上年春適受言責之任，聞  
爾國將渝盟，稱帝心以為若果渝盟，則是悖兄弟也。若果稱  
帝，則是二天子也。門庭之內寧有悖兄弟？我覆載之間寧有  
二天子？况爾國之於朝鮮，新有交誼之約，而先背之。  
大明至於朝鮮，旧有字小之恩，而深結之則忘深結之大。  
且守先背之空約，於理甚不近；於事甚不當。故首建此說，欲

守禮義者是臣職耳。宣有他哉。但臣子分義當盡忠孝而已。  
上有君親俱不得扶護而全安之。今王世子大君皆為僕。  
老母存沒亦不知良由一疏之浪陳以致家國之禍敗。揆諸  
此孝之道掃地蔑之矣。自究乃罪可殺。同赦雖萬被誅戮宗  
所甘心血一釁鼓魂去飛天。故遊故國快哉快哉。此外更無  
所告。惟願速死。二汗使解字漢人翻譯而聽之。顧謂左右  
曰難矣哉。此人也。仍出示公斥和疏曰。吾宣不可為皇帝耶。  
公曰汝乃天朝叛賊。宣可為皇帝也。汗大然令二胡扶公  
兩腋而出。二胡乃其國刑人者。云斥逐其蒼頭拘之別處。使  
不得審其所處。後以鞍馬衣衾等物付譯人金汝亮并與蒼



頭而還之蓋公抗賊之書即張超所傳亦公之蒼頭終始不  
難收得公日記且目擊而悉傳其梗概故詳聞顯末而至於  
假捷軍又多服公義為我人道其事大抵皆如此云

行狀

林將軍慶業字英伯居忠州達川以弓馬為業大丈夫三字  
一不絕於口亦好讀書常慨然自歎曰吾稟天地氣不為物  
而為人<sub>不為</sub>婦人而為男子惜予生此偏邦將局束以送一  
生也丁卯虜變朝廷與憐以却其兵將軍時不甚知名奮曰  
朝廷與我精炮四萬則將往殲彼虜洗鉤鴨水而飲耳余  
頑丁丑虜以我王世子入瀋陽又執弁和人洪掌今翼漢  
以去將殺之殆路守宰恐俱莫敢與語將軍時為義州府尹

出迎執手曰士大夫死得其所難矣公名將與太山北斗爭  
高矣供奉甚豐又資送極厚談笑送別絕無嗟勞語時虜酋  
聞將軍名必欲用之凡擊撥島及西犯必使朝廷為將而  
送之將軍以訐誑虜之一切墮將軍計中而不覓也至益州  
海中與天兵相遇虜使其親信者數輩同載一舡以察事  
情將軍亦隨機出奇方其戰時令炮兵密用土炮天兵發  
矢亦故使不及故而軍一無所傷將軍亟使善水者二卒佯  
墮水潛傳本國忠惻於天將之船目通虜人機密情形  
一日喟然謂同志曰平生素心正在今日蓋以犯順為至痛  
極冤欲投入天朝也或曰豈不好乎奈禍及本朝何將

軍遂歎息而止始虜所恃以為西犯之計者將軍也及見將軍屢戰輒退遂為退軍計使將軍由水路敵國蓋不欲我師涉其境也將軍曰我之思敵一日為魚豕不欲由水路速敵但舟楫皆傷敗且無糧食不由旱路無一得達虜將信之遂由虜地而敵既而虜追覓其見欺之狀又潛通天將之事發露虜負我朝執送將軍二二聞即束裝杖劍就道嘆曰天生男子必有所用今乃無端就死於虜廷乎遂於中路逃縣虜聞之益怒詰責本朝二二大索終不能得將軍往來江湖間或與商賈雜作或混迹僧徒或出沒城市而人莫能知也年月日得商賈船潛入大明地為天將所任用此後事



詳載其日錄甲申北京破虜人入據而天下為其區域將軍遂  
被執抗節矢死虜終不能屈遂付本朝使介出送身猶  
漢衣服而頭不剃矣時賊臣金自點當國殺之將軍臨死大  
言曰天下事未定不可殺我矣既死國人無不義而哀之

李士龍星州人以良丁隸兵籍崇禎戊寅清虜西犯皇明赫

索我賦自訓局別送精銳士龍與焉初至州默然逢點及行  
州牧親犒以送之酒食甚設士龍不食乃言曰聞以我等助  
虜攻皇帝國我何忍食此我心已有所定矣仍自遶下直  
上州牧座或偃仰或箕踞州牧任之不可既至錦州衛松山  
鋪虜與天將祖大壽對陣交戰虜愛惜我兵之技精庇在

馬鞍下以防矢石有發炮而中者則輒有重賞士龍初放炮  
不允虛發虜覺之猝出擬刃於頸士龍不為動虜釋之而曰  
復敢如是耶汝若放而中者即有重資士龍復如是虜甚怒而猶不  
殺至於三則虜遂斃所以徇之俄而祖將驟知之揭示一大旗大書曰朝鮮  
義士李士龍虜亦義之兵罷許同仇收屍以歸

辛巳正月初八日時氏以其帝命邀世子于刑部宰臣講院  
以下諸臣及上副使書狀官皆陪往則金申得謝曹漢  
英蔡以恒四人已自北館押致于衙門外質可王來到生衙  
龍將比已加麟范文程等諸博氏及刑官會請于世子生于  
西辟宰臣講官一人及使臣許入而使刑部官三人出大門

外先問金曰國王城下之日不為隨來何也金答曰臣  
子之情豈不欲隨行其時重病不得陪往耳又問曰果病重  
則何不來近地而轉往嶺外遠處乎答曰調理差歇之後始  
得下去耳又問曰病差之後則當來王京而終不見王耳為  
下鄉何也答曰七十致仕自是古事身既老病不堪送仕故  
如是耳又問曰不受官爵還送官教何也答曰國王已知老  
病不為收用別無除職之事還送官教之說出於何處吾則  
全未知耳又問曰舟師徵發之時橫議陳疏何也答曰君臣  
之間有同父子凡有所懷不得不言身雖老病豈無愛君之  
心乎又問老病不能從仕則何暇上疏乎答曰從仕則筋力



不逮而心有所懷何可不言乎但雖有所言國王不為採用  
甬國之事以吾言不得成者有耶薛氣凜然必無屈挫聽者  
縮頸鄭譯亦敬服傳語於刑部官時改甬國為此處莫不激  
怒也次問申云：次問曹云：次問蔡云：刑官等一入  
告于質可王則並令押入內庭其推問之事所答之言與門  
外問答之事無異旋即出置門外質可王與諸人相謂曰金  
也果是望哥：：仍嘆噴不已清語望哥者猶云極難蓋  
謂極難之故耳稱望哥也相與密談後復使刑部官三人立  
於門左謂曰四人之罪一係雷元金顏色不愛擊止自若  
清人亦噴：稱歎稱以金判書不敢名為刑部便押四人還

送北館待後廢置云自此北館牢鎖呵禁益嚴矣

癸未四月初一日龍將與鳴林博氏來到世子前曰皇帝用

赦俺等承命以來令李務叱石招崔鳴吉世子曰金判書

亦在館云則龍將等曰此亦當赦又使韓甬龍招金兩臣

來誚後龍將等招入庭中立傳帝命曰甬等俱有死罪雖其

老病且惜人命貸以不死矣今者方施大霽之典故特為放

宥耳置世子館所近處云仍命解鎖世子再三稱謝則

龍將令西臣面向謝帝命金以腰痛不為行禮龍將等強

之則終不運動

以上春坊瑤陽日記林啓曰龍將出去之時崔鳴吉別為致謝帝見於龍將前金卧於

其側龍將久之  
瞪視而去





公正

鄭貞節公甲孫性清直嚴峻子牙不敢干以私嘗為咸吉道監  
司被召如京及還道見解榜子為亦中為公存疑怒罵試官  
曰先奴敢孤媚我乎吾兒為業未精豈可僥倖欺君耶遂鉤  
去之竟出試官

筆苑雜記

許石相琛拜吏曹判書公廉方正復有孫鑑掄選注擬咸適其  
才人真敢干以私亦無然其屈滯者門庭蕭然無異平昔前  
後掌銓衡者物論翕然皆以公為首

行狀

權叅判景祐為正言倡金諫請黜任士洪言甚抗直士洪乘夕  
抵公陽為不知者曰誰敢為此論者公直荅曰惟我敢尔士

洪氣阻不敢出一言而退

解官雜記

金冲菴以刑曹判書嘗訪承旨尹自任

或曰副提學金錄云

其妻父出揖

曰拙婿未還請暫就席遂迎而上座既定其人語及刑曹公

事似有請托之色云遂正色移時不交一語尹之采其人慚

謝而入平生以為羞愧公固不敢干以私者彼亦朝官而不

知公乃如是耶宜見狼狽也

寄齋雜記

恒齋柳雲與靜菴同時為人曠蕩不檢為時議所不容出為忠

清監司題丹陽郡樓絕云拾盡凶頑石平鋪清淨流捕風囚

海若然後放吾舟靜菴既敗奸流傳誦其詩疑柳不容於清

議而有此即薦擢為憲長柳即日拜命往赴禁府自門隙招

靜菴字執手痛哭曰久謂事當爾宣竟至此  
豈耶遂首論家  
貞之奸且面折之未幾被斥終身坎軻而卒

野史之疏

成遜齋世昌庚辰以散班家居沈貞意其與清議異趣造公第  
陷以授諫長公恐其晚已乃曰庸鴛宣敢其職但前日國家  
罪白面書生案涉暗昧而壯門密啓尤不止之甚有言責者  
雖在已往當直諫以糾其失也貞色憂遽起及南衮死鄭文  
翼公復相有調停已卯之議是時金安老倡輔東宮假抑沈  
貞宗降其意公以副授孝乃昏然曰安老之為人余所深知  
今若得志必將誤國乎同僚劾之

名臣錄

容齋李公與安老同在翰苑同入讀書堂披心相善者久矣當



南文景之幸同僚請竄安老也公獨以為無名而逐宰相不  
得無契也至得泣相送及安老之還入也其子延成尉金禧  
連上其父之冤狀訟于三公時公為相以安老初被無狀之  
罪今又年久當自上斟酌耳公之意蓋欲使自便居住而  
已及放還當緣復職締結躁進以行肫臆其有憊怨者竄逐  
殆盡公始悟其狀見安老則斥言其陰私嚴辭峻責不忌  
諱安老有慚也將以陷士林於是朋比安老者謀欲搆陷每  
遣所親信探公之意大司憲沈彦慶問于公曰外有浮言金諫  
欲論相公者此非金中之論故金諫欲自明云公笑曰若然  
則吾為萬世之權臣矣金諫豈可以此自明乎嘗於族會中

有安老之黨謂公曰東宮孤單願叔為羽翼不可動搖公曰  
國儲已定在朝之臣誰不欲為東宮死者朝廷只有一安老  
予及見其所著遺書文歎曰小人情狀盡在是矣決意斥逐  
子牙俱交諫者請引疾避位以全門戶公曰吾無先見之智  
不能防於未萌而又避禍以負聖明予一身死生不足恤  
但恐奸人得志國事日非也遂與領議政鄭光弼俱陳安老  
奸邪請竄之

行狀

仁廟昇遐李苞鄭順明等啓柳權尹任柳仁叔等罪文定王后  
召六卿以上八議權公撥曰方此初政務得人心每事當以  
大公至正處之翌日轉為兵曹判書尹任等既被罪公獨詣廟

啓曰尹任固不足惜王大妃於嗣王有母之道若因此憂傷宣不為大累哉柳權仁叔先病儒生位極人臣宣有他心今若遠行得病而死人皆曰國人之也順朋大怒

名臣錄

李賢輔為慶尚道觀察使以監司職兼風憲而本道乃親舊所在一同私謁之門政法所由以乃峻立其防子弟親戚無

敢伺候於公館

松窩雜記

洪公曇拜兵判趙大憲士秀謂金諫曰洪是我之心友然洪之才優於吏書而不合於主兵盡論之遂啓適之即往見洪曰茲事於君意如何洪曰我叅主兵決非所堪隱憂多矣顧君秉國論故特而無憂人皆服趙之不私而多洪之自知祖宗朝



公卿如是安得不治

荷澤野言

丁舍人燿字季晦

仁廟七月昇遐八月卜日山公抗疏以為

送終大禮自天子至於士喪制一定何汲二於犯禮之失乎  
繼有尹瓘之疏有曰 殿下之臣惟丁燿一人而已尹任除  
秋官長公與宋玉菴論之公適在告而停啓玉菴仕罷訪公  
曰今日停啓終未免為上計也公曰 主上一國臣民所共  
仰戴何為出此言也玉菴慚謝 仁廟執喪踰制日旣難全  
廷臣泣請有議特推入外舅以冀動萬一者公獨奮然曰所  
議苟且無謂問君父候一二大臣誰阻予其入而必借予彼  
哉當初尹任入侍之議爭之不得禍終難悔見幾之明論事

之正多類此雪聖後同

李構字成之中已卯春科即選拜檢閱禍作直宿政院下獄旋  
見放翌日以史官入侍進啓曰昨日之事以為 聖明何至  
此耶其為肉魚子在獄中相持痛哭此事出於意外雖欲告  
于史草不知其根目也 上曰事之根目史官欲聞之矣其  
日洪景舟等聚于神武門外予謂不可會于處故令自西門  
而入也史官權輓啓曰如此之事大臣當會于都堂白日之  
中為之可也夜則陰也晝則陽也君子為陽小人為陰中夜  
舉事甚未便神武門亦非舉事之地也上不答

黃免記事

洪景憲公遣拜大司憲時議定垂簾之儀 明廟坐于簾內公

啓曰人君當正位南面萬目咸覩今者慈殿在簾內殿下  
縱不得坐壯宜出坐簾外以臨群臣即允之名臣錄

李後白為銓長務案公論不受請托政事可觀雖親旧若頻往  
候之則深以為不韙一日有族人往見語次示亦官之意後  
白變色示以一小冊子多記人姓名將以除官者也其族人  
姓名亦在錄中後白曰吾錄子名將以擬望今子有求官之  
語若求者得之則非公道也惜予子若不言可以得官矣其  
人大慚而退後白每除一官必遍問其人可仕與否若誤除  
不合之人則輒終夜不眠曰我誤國事時論以後白之公心  
近世無比栗谷外集 涪溪記 聞曰李青蓮後白為家宰門  
不受私謁雖名稱堪為百執事者人氏私托則必絕



之惜人才者多病之誠是也其視唯貨其吉而  
門如市者不可同日而語矣

白休菴仁傑乙巳拜獻納時鄭順朋李范等啓竄尹任罷而抑  
而不列罪名公謂同列曰以密旨罪人不正甚矣聞者縮頸  
無敢應公獨啓曰今內降密旨于元衡罪尹任等三人外戚  
奉密旨行事何以示後元衡承順內旨使國家事不得出於  
光明正大司憲閔齊仁聞曰百之下伺候二三宰相之家  
有同傳令軍卒諸金諫逡巡觀望皆失言責請俱治罪文定  
震然下公于獄順朋之子礪諫其父救之文定霽威遂赦彼

州  
名臣錄

黃秋浦以都憲入侍延中有崔永慶事而探試上意者上曰

其時委官不得其人使予千載不免殺士之名公即對曰庚寅春臣適忝正言而忝鞠鄭澈雖或有辜尔之失而必稟上旨無一事自擅永慶之獄雖在臣出外之後而聞有救解之事云天顏愛色仍命罷對蓋景虎疏未入之前已有幾微也

年譜補遺

己丑年黃思叔為金諫劾公舅時論非之出黃補外其後又將加罪竄謫公乃為黃直之伸救力至處心之公也辛卯年洪汝諄為都憲追獲梁千頃獄事將以誣罪論松江梧陰公為諫長力止其事只為竄黜而止為所守之確也

漢陰遺事

張谿谷維為銓長時有一戚晚將與勳相結婚勳相欲其引入

銓曹屢以為言而其人雖有詞華不厭人望公以公議至嚴已不敢專終不許人以是益賢之肅心如此故其在銓部也凡所注擬進退一循公論人亦不敢干以私

諡狀

洪公龜祥與其弟致祥同受業於栗谷先生嘗曰吾兄弟自少侍先生受學至長未嘗見其與人有私語密言先生嘗謂學者曰士君子持心處事當如青天白日使人得以見之真可謂言行表裡如一也

東儒錄

任跡菴癸亥還朝即入侍從士大夫虛已待之按理沈先世白予上曰任某與嚴惺金地粹皆忝下官坐直道廢錮十年宜陞六品以優之上許為翌日公入侍言臣曩日被黜初



不生直言不合以此蒙賞金地粹丁巳獻議未為殊異亦豈  
可濫賞乎又上疏固辭上允之以沈光世論事失宗命考  
察是時設即除大科初試考官多以不謹被責公為持平  
欲目此痛革廢朝鬻科之弊倡議力論請盡罷其榜連數十  
啓不已上竟從之時生進會試已掛榜壯元趙壽恒李行  
進等皆公學徒而公無所顧惜

言行錄

科舉錄名時四館私於所識士子不以授牒先後聯次或不收  
牒直錄其名公在末席請一切已之諸僚咸諾既而違約  
循旧習公即取錄冊軸之曰今且仍舊無妨公終不出冊長  
官大怒以末官抗右位不恭使受面責公恭謹依行終不出

冊諸僚不得已從之

上同

樂全漫錄云金官朴炡欲論趙希逸而托以動搖大臣為目蓋  
趙嘗以先君不肯擔當國事為言責難意也先君聞炡之論  
大驚邀炡亟言趙之不可論朴不從亟趨闕下論趙而首  
舉動搖大臣之罪且數其昔年居鄉之失先君三上劄明趙  
之無所失以進退爭之趙祇通職尋見叙

樂全東陽尉其先  
君即象村







